





同人敗魚鮑室臭不可息上山須後歸傷我足

大有花燈百枝消暗衰微精光訖盡奮有必靡

謙 顏叔子夏遊遨仁宇溫良受福不失其所

豫 梁柱堅固子孫蕃熾福喜易積終無禍悔

蠱 邊鄙不 民狎於野尚人成功年歲大有

臨 蝸池嗚呵呼我水潦雲雨大會流成河海

觀 志合意同姬姜相從嘉耦在門夫子悅喜

噬嗑白馬駟駁更生不休富有商人利得如立

賁 大似夏禹經啓九道各有攸處民得安所

剝 甲戌巳庚隨時轉行不失其心唐季發憤擒滅子嬰

復 穆違百里使明厲武將帥襲戰敗於穀石

無妄如本居與類相投願慕群旅不離其巢





大畜伯仲叔季日暮寢寐坐卧失明喪其負惠襄

頤 亡羊捕羊張氏失牛駢駢奔走鵠盜我魚

大過雀目燕頰畏昏無光思我佼童不見子充

坎 入和出明動作有光運轉休息常樂允康

離 不勝私情以利自嬰北室出孤毀其良家

咸 稱幸上靈媚悅於神受福重重子孫蕃功

恒 齊姜叔子天命在位實沈參墟封為康侯

遯 遯遊無患出入安全長受其懽君子萬年

大壯被服文德升入太麓四明雍肅登受大福慈鳥鳴鳩執

無尤寢門內治君子悅喜

晉 負金懷玉南歸嘉國蜂蠆不螫利入我室黃音

明夷日在阜顛嚮昧為昏小人成群君子傷倫

家人水火父母先來鳴嚙澤高之士從高而處

睽 東隣少女為王長婦柔順利貞宜夫壽子

蹇 戴餅望天不見星辰願小失大福逃於外

解 王喬無病狗頭不痛亡跛失履之我徒從

損 使穢室身無庇宿家不容車後我衣服

益 威權分離鳥夜徘徊爭蔽月光大人誅傷

夬 辯變白黑巧言亂國大人失福君子迷惑

姤 衣鋸甲鎧敝筐 具大人不顧少媚不取弃捐於道

萃 燕雀銜泥以生孚乳兄弟大人友好孝悌得心歡欣和悅

相樂小畜之兌

升 登几上輿駕駟南遊合從散衛燕秦以強

困 黯黯許許仇禍相得水入炭室消亡不息



井 鳴鴉破斧邦人危死賴其忠德轉禍為福傾危復立

革 載金販狗利弃我走藏匿淵渠悔折為咎

鼎 淵坑復平宇穴安寧意愈解除賴福長生

震 驪姬讒嬉與二孽謀譖於恭子賊害忠孝駕出喜門商伯

有害

艮 割羊不當血少無羨衣執空筐不得採桑

漸 牧羊稻園聞虎喧嘩畏懼悚息終無禍患

歸妹 明德隱伏麟鳳遠匿周室傾側不知所息

豐 鄰不我顧而求寶玉身多禿癩誰肯媚者

旅 初雖無輿後得載車賴幸逢福得離兵革

巽 水壞我里東流為海龜鳥懼置梟堵王母

兌 兩心不同或欲西東明論終始莫適所從

渙 天帝懸車廢禮不朝攘服不制失寵其家

節 交川合浦遠濕難處水土不同思君皇祖

中孚 勾踐之危棲於會稽太宰譏言越國復存

小過 慈鳥鳴鳩執一無尤寢門內治君子悅喜隨之

既濟 富年早寡孤與獨居雞鳴犬吠無敢問者我生不遇獨罹

寒苦

未濟 江海變服浩緬無測高位顛崩寵祿反覆

蠱之第十八

蠱 紡生江淮一轉為百周流四海無有難惡

乾 首釋與目載受福慶我有好爵與喜相迎

坤 輶輶輶歲暮編敝寵名弃捐君裴在位

屯 折箬蔽日屏 王目司馬無良平子沒傷



蒙 家在海隅繞旋深流王孫單行無妄以趨固陰返寒常米  
不温後入墮胎大電爲善

需 執義秉德不危不殆延頸盤桓安其室垣屯耗未得終無  
大恤

訟 長舌亂國大斧破車陽陰不順姬姜哀憂

師 二人共路東趨西步千里之外不相知處

比 視暗不明雲蔽日光不見子都鄭人心傷

小畜初憂後喜與福爲市八佾列陳飲御嘉友

履 僮妾獨宿長文未室利無所得

泰 玄黃四塞陰雌伏謀呼爲墻屋爲巫所識

否 中歲摧隤常恐衰微老復賴慶五穀爲相

同人伯氏殺牛行悖天時亳社夷燒朝歌丘墟

大有日短夜長祿命不光早離父兄免見分張

謙 采唐沫鄉傲期桑中失心不會真意

豫 昧視無光夜不見明宜抵空床季葉逃亡

隨 舉趾振翼南至嘉國見我伯姊與惠相得

臨 則天順時周流其墟與樂並居無有咎憂

觀 萬室蜂戶螫我手足不可進取爲我害咎

噬嗑公孫駕驪載遊東齊延陵悅產遺季紵衣

賁 轉作驪山大失元心劉季發怒命滅子嬰

剝 羊腸九縈相推稍前止須王孫乃得上天

復 蟠螭充側佞人傾惑女謁橫行正道壅塞

無妄福祿不遂家多怪崇麋鹿悲吟思其大雄

大畜雲雷因積大雨重疊久不見日使我心悒



顧 三河俱合水怒踴躍壞我王室民困無食  
大過旦雨夜行早遍都城更相覆傾終無所成三頭兩眼不見  
其責

坎 褒后生蛇經老盲微側跌哀公酒減黃離  
離 鴻雁南飛隨陽休息轉送天和千里不衰  
咸 後時失利不得所欲

恒 心多恨悔出言為怪鳥鳴室北聲醜可亞請謁不得  
遯 四馬過隙時難再得尼父孔聖繫而不食  
大壯陰變為陽女化為男治道得通君臣相承

晉 崑崙源口流行不止鯨伊砥柱民不安處母婦扶子黃鹿  
忧喜  
明夷葛藟蒙棘華木不得實讒佞亂政使恩壅塞

家人公無長詢天王駁馬非其所當傷折為患  
睽 大倉充盈萬物蕃成年歲孰祭

蹇 執簧炤犧為風所吹火滅無光不見玄黃  
解 鳥反故巢歸其室家心平意正與叔相鳴登高殞隊矣其  
寵貴

損 弩弛弓藏良犬不烹內無怨女征夫在堂  
益 牲犧孔博日新其德文君出獵姜氏受福  
夬 秋季孟冬寒露霜降大陰在庭庶物不生雞鳴犬吠家喜

數驚

姤 心多恨悔出門見怪反蛇三足醜聲可惡媼母為媒請求  
不得

萃 虎豹爭強道閉不通小人權訟貪天 公



升 雞方啄粟為狐所逐走不得食惶怖惕息

困 陳媯敬仲兆興齊姜乃適營立八世大昌

井 昊天白日昭臨我國萬民康寧咸賴喜福

革 雲夢天藪素有所在虞人共職驪駒樂喜

鼎 獐鹿雞兔羣聚東國蘆黃白春俱往追逐九齡十得土君

有喜

震 德惠孔明主君復章保其室堂

艮 天之所壞不可強支眾口嘈嘈雖貴必危

漸 天之奧隅堯舜所居可以全身保我邦家

歸妹 下泉苞稂十年九王荀伯遇時憂念周京無一

豐 江淮海隅眾利聚居可以遨遊卒歲無憂

旅 南山黃竹三身六日出入制命東台宣政主尊危安

無患

巽 重譯置之來除我憂喜樂治共居

兌 南山高崗麟鳳室室含和履中國無災殃

渙 紫芝朱草生長和氣公戶有食福祿來下

節 宮成室就進樂相舞英俊在堂福祿光明

中孚 問之子孫資無所食負負逐狐留連都市還轅內鄉嘉喜

何咎

小過 執贄入朝獻其孤裘元戎燮安沙漠以懽

既濟 湧泉汨汨南流不絕濟為淮海敗壞邑里家無所處

未濟 固陰寒常水不温凌人情怠大電為災

臨之第十九

臨 弱水之西有西王母生不知老與天相保行者危危利居



善喜

乾 黃犢生母白成爲母晉師在郊虞公出走

坤 倉皇奉使中山以孝文侯悅喜繫子徵召

屯 機閑不便不能出言精誠不通爲人所冤

蒙 白茅醴酒靈巫拜禱神嗜飲食使君壽考

需 重瞳四乳目聰耳明普仁表聖 作元輔

訟 水漲無船破城壞堤大夫從役一朝亡殞不見少妻

師 六人俱行各遺其囊鴻鵠失珠無以爲明

比 隨時轉行不失其常各樂厥類身無咎殃

小畜 蔡女蕩舟爲國患憂後后在側屏蔽王目早衰六畜

履 駕龍騎虎周遍天下爲神人使西見王母不憂危殆

泰 胥怨之吳盡策闔閭鞭平服荆除六谷殃威震

上卿

否 唐邑之廬晉人以居虜豕受福寔沉是國世載其樂

同人 管鮑相知至德不離三言於桓齊國以安

大有 三十無室長女獨宿心勞未得憂在胸臆

謙 散渙水長風吹我鄉火滅無光隨敗桓功

豫 蚰飛蠕動各有配偶小大相保咸得其所

隨 安樂几筵未出王門

蠱 大生災禍下土恩寒觝亂我國

觀 長生無極子孫千億栢柱載青堅固不傾

噬嗑 欽敬昊天曆象星辰宜受民時陰陽和調

賁 三河俱合水怒踴躍壞我王室民困於食

剝 壽如松喬與日月俱常安康樂不離禍憂

臨

易本

五十一



復 天之所予福祿常在不憂危殆

無妄受讖六符招推室虛雖跌無憂係我命財

大畜賚金甞車失道後時勞罷爲憂

頤 華首山頭仙道所遊利於居止長無外憂

大過采唐沫鄉徼期桑中失信不食憂魚約帶

坎 人面九口長古爲斧斲玻璃瓊般商絕後

離 臨溪橋寂雖恐不危樂以笑歌

咸 泱泱沸溢水泉爲害使我無賴

恒 蝗螟爲賊害我稼穡秋飢於年農夫鮮食

遯 八百諸侯不期同時慕西文德興我宗族家門雍睦

大壯長男少女相向笑語來歡致福和悅樂喜

晉 平國不君夏氏作亂烏虓竊發靈公殞命

明夷春多膏澤夏潤優渥稼穡成熟畝獲百斛

家人客宿卧寒席葦不安行爲危害留不得歡

睽 乘槎浮海雖懼不殆母載其子終馬何咎

蹇 手拙不便不能伐檀車無軸轅行者苦難

解 唐虞相輔鳥獸率舞民安無事國家富有

損 秋蛇向穴不失其節夫人姜氏自齊復入

益 病篤難醫和不能治命終 訖下即萬廬

夬 青蛉如雲城邑閉門國君衛守民困於患

姤 牙孽生齒室堂啓戶出入利貞鼓翼起舞

萃 鳧游江海役行千里以爲死亡復見空桑長生樂鄉

升 黃帝出遊駕龍乘鳳東上太山南遊齊魯邦國咸喜

困 履危不止與鬼相視驚恐失氣如騎虎尾

臨



井 秋南春北不失消息涉和履中時無陰匿  
革 龍門砥柱通利水道百川順流民安其居  
鼎 千歲廟堂棟橈傾僵天厭周德失其寵光  
震 折箬蔽目不見稚叔五足孤鳥遠離室家  
艮 望叔山北陵隔我目不見所得使我心惑  
漸 匏瓠之息一畝十室萬國都邑北門有福  
歸妹 域域牧牧憂和相伴隔我巖山室家分散  
豐 麒麟騶耳遊食萍草逍遙石門循山上下不失其子  
旅 天所祚昌文以為良篤生武王姬受其福  
巽 羊腸九縈相推稍前止須王孫乃能上天蠱之剝  
兌 貧鬼守門日破我盆孤牝不駒雞不成雛  
渙 飽食從容入門上堂不失其常家無咎殃

節 陰淫不止白馬為海澤臯之子就高而處  
中孚 執戈俱立以備暴急千人舉龍困危得海終安何畏  
小過 夾河為婚水漲無船追心失望不見歡君  
既濟 陰陽變化各得其宜上下順通奏為膚功  
未濟 狂劣德薄失其臣妾田不見禽大無所得

觀之第二十

觀 歷山之下虞唐所處躬耕致孝名聞四海為堯所薦禪位  
天子

乾 娟飛蠕動各有所配歡悅相迎咸得其處

坤 繼祀宗邑追明成康光照萬國享世久長病疾不醫下即

蒿廬此二句疑衍

屯 屯 秋冬探巢不得鵲雛街指北去媿我少姬



蒙 僮妾獨宿長女未室利無所得

需 洪魚逆流至人潛去蒿蓬代柱大屋顛仆

訟 日闇不明讒夫在堂右臂疾痺君失其光

師 王孫季子相與孝友明允篤誠昇擢薦舉為國幹柱

比 麟趾龍身日馭三千南上蒼梧與福為婚道理夷易安全

無患

小畜 三子成駒折損轅軸輪載空輿後時失期

履 逐福除患道德神仙避惡萬里常歡以安

泰 黃池之盟吳楚爭強勾踐為患夷門不安探穀得螽所願

不喜

否 青牛白咽呼我俱田歷山之下可以多耕歲歲時節人民

安寧

同人 有頭無目赫赫粟粟見荆粟不消耗為疾三年不復

大有 山沒丘浮陸為水魚燕雀無巢民無室廬

謙 高齒鳳凰朝陽梧桐雍雍啾啾奉奉萋萋陳辭不多以告

孔嘉

豫 鰥寡獨宿憂動胸臆莫與笑食

隨 躓馬破車惡婦破家青蠅汙白恭子離居

蠱 長女三嫁進退無羞逐狐作妖行者離憂

臨 人無足法緩行長姦地雄走婦陽不制陰男失其家

噬嗑 茹芝餌黃飲食王英與神流通長無憂凶

賁 東行無門西出華山道塞於難遊子為患

剝 壽如松喬與日月俱常安康樂不惟禍憂

復 探穀得螽所願不喜黃池之盟吳楚爭強勾踐為患夷門

觀



不安

無妄蠶螺生子深目黑醜雖飾相就眾人莫取

大畜喜怒不時霜雪為災稼穡無功后稷飢寒

頤 鳥升鵲舉照臨東海龍降庭堅為陶叔後封為蓼丘履祿

綏厚

大過黃離白日照我四國元首昭明民賴其福

坎 黍稷醇醲敬奉山宗神嗜飲食甘雨嘉降獨蒙福力時災

不至

離 禍不更生福過我里入門笑喜與善利市

咸 晝卧牢門怵惕不安目不得闔鬼搔我足

恒 春早榮華長女宜夫受福多年世有封祿

遯 雍門內崩賊賢傷仁暴亂狂悖簡公失位

大壯心壯無畏獨徼妄行觸抵牆壁不見戶房

晉 眼車木馬不利遠賈出門為患安止不危

明夷家在海隅橈短流深企立望宋無木以趨

家人冬桑枯槁當風失道蒙被塵埃左右勞苦

睽 過時不行妄逐王公老女無夫不安其居

蹇 履泥污足名困身辱兩仇相當自為痛疾

解 精華墮落形容醜惡齟齬挫頓枯槁腐蠹

損 長生無極子孫千億松栢為梁堅固不傾

益 去辛就羨毒愈酷甚避井入坑憂患日生

夬 行堯欽德養賢致禮眾共積聚國無寇賊

姤 狗逐兔走俱入谷口與虎逢之迫不得去

萃 望尚阿衡太宰周公藩屏湯武立為侯王

觀



升 清人高子义屯外野逍遙不歸思我慈母  
困 三虫作蠱削跡無與勝毋盜泉居不安處  
井 獯作龍身進無所前三日五夜得其所欽  
革 黃裏綠衣君服不宜淫酒毀常失其寵光  
鼎 天所顧柘禍災不到安吉無懼  
震 盤紆九回行道留難止須千丘乃睹所歡  
艮 暴雲失國為下所逐北奔陰胡主君旄頭  
漸 御駢從龍至霍華東與禹相逢送至子邦  
歸妹 銅人鐵距雨露勞苦終日卒歲無有休息  
豐 大人失宜盈滿復虧成長之木盛者滅衰  
旅 梅李冬實國多盜賊亂擾並作王不能制  
巽 澤枯無魚山童難株長女嫉妬使身虛空

允 天門東虛晉季為災臨睨蒼秦伯受以  
渙 寒衣涉河水深清衣賴幸舟子濟脫無心  
節 推車上山高仰重難終日至暮不見阜頓  
中孚 鼎易其耳執不可舉大路雍塞旅人心口  
小過 四亂不安東西為患退身止足無出邦域乃得完全賴其  
生福

既濟 班馬還師以息勞疲役夫嘉喜入戶見妻  
未濟 積德不怠遇生逢時載善一作喜渭陽身受榮光  
噬嗑 之第二十一

噬嗑 麒麟鳳凰善政得祥陰陽和調國無災殃  
乾 北風相牽提笑語言伯歌叔舞燕樂以喜比風牽手  
坤 甲戌巳庚隨時運行不失常節咸逢出生各樂其類達性



任情

屯 破亡之虛神所憂衰進德無光留止有慶

蒙 注斯膏澤析衛百毒防以江南虺不能螫

需 日月相望光輝盛昌三聖成功仁德大隆

訟 大蛇巨魚戰於國郊上下濟塞衛侯廬漕

師 龍入天閔經歷九山登高上下道里險難日晏不食絕無

甘酸

比 沙漠北塞純無水泉君子征凶役夫力殫

小畜 閔折門啓衿帶解墮福與善生憂不為禍

履 狼虎所嗥患害遭不利有為宜以遁逃

泰 金精耀怒帶劍過午兩虎相距弓弩滿野雖憂無咎

否 朽根枯樹華葉落去卒逢火焮相隨偃仆

同人 入和出暗動作有光轉運休息常樂允康

大有 國多忌諱大人恒畏結口無患可以長存

謙 天地淳亨六合光明陰序陽順厥功以成

豫 裸裎逐狐為人觀笑牝雞鳴晨主作亂妖

隨 陰失陽復桀失其室相饒不食

蠱 蛸飛蠢動各有配偶大小相保咸得其所臨之

臨 鬼守我廬欲呼伯去曾孫壽考司命不許與生相保

觀 禍走患伏喜為我福凶惡消亡災害不作

賁 智不別揚張誑妄行陷淵仆顛傷殺伯身

剝 凶憂災殃日益明章禍不可救三都夷傷

復 長尾蛟蛇畫地為河深不可涉絕無以北悵然憤息

無妄 受我嬰女牽引不與冀幸高貴反曰下賤

萃

易本上

六十三



大玄鳥游江湖甘樂其餌既不近人雖驚不駭  
願明滅光息不能復食精鬼既喪以夜為室  
大過奇適無偶習靜獨處所願不從心思勞苦  
坎葛藟蒙棘花不得實讒佞亂政使忠壅塞  
離鵲笑鳩舞來遺我酒大喜在後授我龜紐龍喜張口超拜

福祉

咸搖尾逐災雲孽辟除渣泥生梁下為田主  
恒白鶴啣珠夜食為明膏潤優渥國歲年豐  
遯內執柔德止訟以默宗邑賴德禍災不作  
大壯犬吠驚駭公拔戈起玄冥厭火消散瓦解  
晉公悅媪喜子孫俱在榮譽日登福祿來志  
明夷鳥鳴捕穀長欲飛去循枝上下適與風黑顛損樹根命不

可救

家人折薪熾酒使媒求婦和合齊宋姜子悅喜  
睽隣不我顧而望玉女身多疣癩誰當媚者  
蹇遠視無光不知青黃黹續塞且使君閤聾  
解尅身整已逢禹巡狩賜我玄圭蒙受福祐  
損遠望千里不見黑子離婁之明無益於光  
益斧斤所斫瘡痍不息鍼口不施下即空室  
夬齊侯少子才畧美好求我長女賤薄不與反得醜陋後乃  
大悔

姤失儷後旅天門地戶不知所在安止無咎  
萃鳥孫氏女深目黑醜嗜欲不同過時無偶  
升伯駕純駟南至東華求索車馬道闕中止



困 二女寶珠誤鄭大夫君父無禮自為作笑

井 陽城太室神明所息仁者之君獨無兵革

革 反一作蛇為殃使道不通歲 甚少年穀敗傷

鼎 三足孤鳥靈明為御司過罰惡自殘其家毀敗為憂缺之

震 車駕兩勒絕馬欲步雙輪脫行至道遇害膠車乃駕兩引如繩馬驚奔走

雙輪脫去

艮 鬱積不明為陰所傷衆霧麗集共奪日光

漸 鷓鴣鳴梟治城禦災周公勤勞綏得安家

歸妹 名成德就項領不試景公耄老尼父逝去

豐 一夫兩心岐刺不深所為無功求事不成

旅 羿張鳥號殼射天狼趙國雄勇敗於滎陽

巽 東家殺牛汚臭腥臊神皆西顧命衰絕周

允 火起我後喜多五虜蒼龍啣水泉巽屋柱雖難無咎

渙 桃雀竊脂巢於小枝搖動不安為風所吹寒心飄搖常憂

殆危

節 徒足去域飛入東國有所畏避深藏遠匿

中孚 瑤英朱草仁政得道鳥驚在渚福福來下

小過 陳蔡之厄從者飢瘦明德上通憂不為凶

既濟 春桃生花季女宜家受福多年男為邦君

未濟 徑邪賊田政惡傷民夫婦呪咀太山覆顛

賁之第二十二

賁 仁政不暴鳳凰來舍四時順節民安其居

乾 八口九頭長舌破家帝辛沉酒商滅其墟

坤 鬼守我門呼伯入山去其室家捨其兆墓

賁



屯 日出阜東山蔽其明章甫薦獲箕子佯狂  
蒙 戴孟望天不見星辰顧小失大福迹墻外  
需 兩輪日轉南山太阪四馬共轅無有重難與語笑言  
訟 羊羴狼虎聳耳羣聚行旅稽難留連愁苦  
師 梗生荆山命制輪班袍衣剥脫夏執冬寒飢餓枯槁衆人  
莫憐  
比 鳥飛無翼兔走折足不常其德自為羞辱  
小畜 條風制氣萬物出生明庶長養花葉壯茂  
履 坤厚地德萬物蕃息平康正直以綏大福  
泰 昴畢附耳將軍乘怒徑路隔寒燕雀驚駭  
否 東風啓戶黔啄翻舞各樂其類咸得生處  
同人 兩足四翼飛入家國寧我伯姊與母相得

大有 歲暮花落陽入陰室萬物伏匿歲不可得

謙 釋然遠咎辟患吉阜田獲三狐以具為寶君子所在安寧  
不殆

豫 鵲延卻縮不見頭日日以困急

隨 秋隼冬翔數被嚴霜雄犬夜鳴家擾不寧

蠱 班馬還師以息勞疲役夫嘉喜入室見妻

臨 老陽日衰條多枯枝爵級不進遂至摧隕

觀 順風吹火牽騎驥尾易為功力因俱受福

噬嗑 六人俱行各遺其囊黃鵠失珠無以為明

剝 依叔墻隅志下心勞楚王晨食韓子低頭

復 三牛生狗以戌為母荆夷上侵姬伯出走  
坤之震需之訟

無妄 鶴盜我珠逃於東都鵠起追求郭氏之墟不見蹤跡反為







升 隨和重寶衆所貪有相如睨柱趙王危殆  
困 鳳生五雛長於南郭君子康寧悅樂身榮  
井 二人爲旅俱歸北海入門上堂拜謁王母勞賜我酒女功  
不喜

革 逐憂除殃滄泥生梁下田爲王

鼎 東門之墀茹蘆在坂禮義不行與我心反

震 鳧遇稻廬甘樂趨鱖雖驅不去

艮 清人高子久屯外野逍遙不歸思我君母公子謁請王孫

嘉許

漸 讒佞所言語不成全虎狼之患不爲我殘

歸 妹張羅捕鳩鳥麗甘交雌雄俱得爲網所賊

豐 安仁尚德東隣莫義來安五國

猾 醜假誠前後相違言如鯨咳語不可知

巽 懷璧越鄉不可遠行蔡侯兩表久苦流離

允 伯氏歸國多所恨惑車頓蓋傾身常驚惶乃得其願雌雄

相從

渙 火石相得乾無潤澤利少囊縮

節 君明聖哲嗚呼其友顯德之徒可以禮仕

中 孚騎豚逐羊不見所望徑涉虎窟亡豚失羊

小 過言黃虺隤行者勞罷役夫憔悴處子猥衰

既 濟右手掩目不見長叔失其所得悔吝相仍

未 濟免冠進賢步出朝門儀體不正賊孽爲患

剝之第二十三

剝 行觸大諱典司命忤執囚束縛拘制於吏憂人有喜

剝



乾 穿胸狗邦僵離旁春天地易紀日月更始  
坤 從風縱火荻芝俱死三害集房十子中傷  
屯 北山有棗橘柚所聚荷囊載 香盈筐筥  
蒙 賚金贖狸不聽我辭繫於虎鬚帝不得來  
需 上下惟邪寡婦無夫歡心隔塞君子離居  
訟 二人輦車徙去其家井沸釜鳴不可安居  
師 蹇驢不才駿驥失時筋力勞盡罷於沙丘  
比 明傷之初為穆出郊以讒復歸名曰豎牛剥亂叔孫餓於  
空丘

小畜天火大起飛鳥驚駭作事不時自為多咎  
履 土與山連共保歲寒終無災患萬世長安  
泰 日出阜東山蔽其明童甫蔗履箕子佯狂

否 龍馬上山絕無水泉喉焦唇乾口不能言  
同人雄處弱水雌在海濱將別持食非哀於心  
大有庭燎夜明追嗣日光陽軟不至陰雄生戾  
謙 三婦同夫忽不相思志恒不愁顏色不怡  
豫 鶴盜我珠逃於東都鶴怒追求郭氏之墟不見武跡反為  
患災

隨 沐猴冠帶盜載非位衆犬共吠倉狂蹶足  
蠱 黍稷禾稻垂畝方好中旱不雨傷風病稿  
臨 雄聖伏名人匿麟遠走鳳飛北亂禍未息  
觀 三母多福天祿所伏居之寵光君子有福  
噬嗑被服文德升入大麓四門雍肅登受大福  
賁 蹇裳涉河流深清衣幸賴舟子濟脫無他



復 班馬還師以息勞疲役夫嘉喜入戶見妻

無妄東鄰嫁女為王妃后莊公築館以尊王母歸于京師季姜  
悅喜

大畜百足俱行相輔為強三聖翼事王室寵光

頤 危生在暮請求不得膏澤不降政戾民忒

大過百川朝海泛流不止路雖遼遠無不到者

坎 乘騶駕驪東至于濟遭遇仁友送我以資厚得利歸

離 禮壞樂崩陰請不當成子傲慢為簡生殃欲求致理力疲

心爛

咸 二人輦車乘入虎家王母貪叨盜我犁牛

恒 羊頭禿足少肉不飽漏囊敗粟利無所得

遯 新田宜粟上農得穀君子惟好以受百福

大壯夷羿所射發輒有獲雙禽俱得利伐王國

晉 鳧舞鼓翼嘉樂堯德虞夏美功要荒賓服

明夷登丘上山對酒遇歡終年卒歲優福無患

家人歲暮花落陽入陰室萬物伏匿藏不可德

睽 螟虫為賊害我禾穀篋瓶空虛飢無所食

蹇 陽虎脅主使德不通炎離為殃年穀患傷

解 四馬共轆東上泰山駢驪同力無有重難與君笑言

損 牧羊稻園聞虎喧謹畏懼悚息終無禍患

益 陽花不時冬實生危憂多橫賊生不能服崑侖之玉取求

必得

夬 高阜所在陰氣不淋洪水不處為家利寶

姤 釋然遠咎避患革害田獲三狐以具為寶君子所在安寧

剝

易本二

六一七



不殆

萃 兩目失明日奪無光脛足跛曳不可以行頓於丘旁亡妾  
莫逐鬼然獨宿

升 鴻飛循陸公出不復伯氏客宿

困 佩玉壘蕊無以繫之孤怨獨處愁哀相憂一作桑

井 載船渡海雖深何咎孫子俱在不失其所

華 鵠求魚食道遇射弋繒如我頸繳縛兩翼欲飛不能為羿  
所得

鼎

泥百亂頭忍耻少羞日以削消

震 桑方將落損其黃葉失勢顛倒如無所立一作佩

艮 巨蛇大鱓戰於國邦上下隔塞主君走逃

漸 已動死連商子揚砂石胡貉擣軍鼓振吏士恐

婦妹張羅搏鳩鳥麗其災雌雄俱得為網所滅一作二人俱行

五心亂  
無所得

豐 三聖相輔鳥獸喜舞安樂富有二人諧偶

旅 三奇六耦相隨俱市王孫善賈先得利寶居止不安洪水

為咎

巽 三人俱行二人言北伯叔欲南少叔不得中路分爭道鬪

相賊

分 播天舞地擾亂神所居樂無咎言不信誤

渙 坐爭立訟紛紛洶洶幸成禍亂災反我公

節 蛇行蜿蜒不能上阪履節安居可以無憂

中孚 隙大墻壞蠹衆木折狼虎為政天降罪伐高殺望夷胡亥

以斃



小過湯不違德高山多澤顏子逐兔未有所得  
既濟心多畏惡時愁日懼雖有小咎終無大悔  
未濟衆神集聚相與議語南國雲亂百姓愁苦舉師征討別立  
賢主

復之第二十四

復 周師伐紂尅於牧野甲子平旦天下悅喜  
乾 任武負力東征不伏陷履泥塗雄師敗覆  
坤 義不勝情以欲自營觀利厄寵折角摧頸  
屯 懸瓠素飡食非其任失輿剥廬休坐徒居室家何憂  
蒙 鷓鴣聚婦深自窈身折腰不媚與伯相背  
需 東風解凍河川流通西門子產陞擢有功  
訟 三足俱行傾危善僵六指不便累恩弟兄樹柱開車失其

正當

師 京庾積倉黍稷以興極行疾至以厭飽食  
比 南山之蹊真人所在德配唐虞天命爲子保佑歆享身受  
大慶

小畜車馳人趨卷甲相仇齊魯寇戰敗於大丘紳之  
履 十五許室柔順有德霜降婦嫁夫以為合先王日至不利  
出域

泰 任力劣薄遠托邦國輔車不僵為離所傷  
否 千載舊室將有困急荷糧負囊出門直北  
同人惡災殆盈日益章明禍不可救三卻夷傷  
大有冠危載患身驚不安與禍馳逐凶來入門  
謙 虎狼並處不可以事忠謀轉改禍必及已退隱深山身乃



不殆

豫 卯與石闔糜碎無處擊瓶之使不為真慎

隨 五心六意岐道多怪非君本志生我恨悔

蠱 雨雪載塗東行破車旅人無家

臨 尚利壞義月出平地國亂天常咎徵滅亡

觀 東行破車步入范家衙門穿射無以為主賣袍續食糟糠

不飽

噬嗑 逐金出門并失玉几往來并上甑破缺盆

賁 春孟醴酒使君壽考南山多福宜行賈市秋梁雌雉所至

利喜

剝 持刃操肉對酒不食夫亡從軍長子入獄抱膝獨宿

無妄 騎牛傷暑不能成畝草萊不艱奉歲無有

大畜 南邦大域鬼魅滿室謹聲相逐為我行賊

頤 嚙嚙所言莫如我垣歡樂堅固可以長安

大過 堯舜禹湯四聖敦仁允施德音民安無窮旅人相望未同

朝卿

坎 桎梏拘獲身入牢獄髡刑受法終不得釋耳閉道塞求事

不得

離 跣並桀虐民困愁苦行旅遲遲留連齊魯

咸 求雞獲雉買鷺失魚出入均貨利得無餘齊姜宋子婚姻

孔喜

恒 雨師駕駟風伯吹雲秦楚爭強施不得行

遯 仲冬蕪秋鳥散飲憂雨於米食數鷺鷥鷓鴣

大壯 三瓶上山俱至陰安遂到南陽完其芝香兩崖相望未有

復

易林上

七十一



枕床

晉飛之日南還歸遼東雌雄相從和鳴雍雍解我胸春  
 明夷堯飲舜舞禹拜上酒禮樂所豐可以安處保我淑女  
 家人太乙置酒樂正起舞萬神攸同可以安處綏我齒兒  
 睽白馬駢騮生乳不休富我商人得利饒優  
 蹇苑馬疾步育師坐御目不見路中止不到  
 解春桃萌生萬物華榮邦君所居國樂無憂  
 損把珠入口蓄為玉寶得吾所有欣然嘉喜  
 益襦燒袴燔羸剝飢寒病沍凍孿  
 夬水沫沉浮沮濕不居為心疾憂  
 始行如桀紂雖禱不祐命衰絕周文君乏祀  
 萃虺蜺戴盆不能上山脚摧跛蹶損傷其頭

升長子入獄婦饋母哭霜降旬甚卿晦伏去

困求犬得免請新遇故雖不當路踰吾舊舍

井鳥鳴葭端一呼三顛動搖東西危而不安靈符禱社疾病無患

革天厭禹德命興湯國板社擊鼓以除民疾

鼎陰霧作匿不見白日邪徑迷通使君亂惑

震猿墮齋木不跛手足握珠懷玉還歸我室屯之豫蒙之隨

艮三驪負衡南取芝香秋蘭芬馥盈滿匪匱利我少姜

漸春生孚乳羽毛成就舉不失宜君臣相好盜走奔北終無所晦

歸妹東行破車還反室家夫命訖終無所禱凶

豐九雁列陣雌獨不羣為罾所牽死於庖人

復



族 二人輦車從去其家井沸釜鳴不可以居  
巽 閉塞復道與喪相逢甘棠之人解我憂凶  
兌 賦歛重數政爲民賊杼袖空虛家去其室  
渙 怒非其怨貪妬腐鼠而呼鵲鳴自令失餌到被災患  
節 簪跣帶長幽思最苦瘠貌少疲以疾病降  
中孚 三人俱行各別採桑蘊其筐苜留我嘉侶得歸無外四月  
來處

小過 逐鳩南飛與喜相隨并獲鹿子多得利歸雖憂無危  
既濟 驅羊南行與禍相逢狼藉吾馬虎盜我子悲恨自咎  
未濟 東隣西國福喜同樂出得隋珠留獲和玉俱利有息  
無妄 之弟二十五

無妄 夏臺姜里湯文厄處臯陶聽斷岐人悅喜西望華首東歸

無咎

乾 儋耳穿胸纏離勞春天地易紀日月更始蝮螫我手痛爲  
吾毒

坤 慈母之恩長大無孫消息極祿害不入門

屯 譌言妄語轉相誑誤道佐失跡不知狼處

蒙 鬱映不明陰積無光日在北陸萬物彫瘵

需 主母多福天祿所伏居之寵昌君子有光

訟 不耕而獲家食不給中女無良長子跛足踈齒善吊商人

有喜

師 火起上門不爲我殘跳脫東西獨得生完不利出鄰病疾

憂患

比 持執操肉對酒不食夫亡從軍少子入獄抱膝獨宿復之

無妄

未濟

中孚



小畜鱸鰈去海遊於枯里街巷迫狹不得自在南北四極渴餒  
成疾

履 啞啞笑語與歡飲酒長樂行觴千炷起舞拜受大福

泰 登高上山賓于四門士伍得懽福為我根

否 天厭周德命與南國以禮靜民兵革休息

同人 壅遏隄防水不得行火光盛陽陰魄伏匿走歸其鄉

大有 河海都市國之奧府商人受福少子玉石一作食

謙 東行避兵南去不祥西逐凶惡北逃福王與喜相逢

豫 東家中女媠母寂醜三十無室媒伯勞苦

隨 破亡之國天所不福難以止息

蠱 驂駕蹇驢日暮失時居者無慮徐我樂娛

臨 螻蛄之側佞幸傾惑女謁橫行王道橫行

觀 三殺五羊相隨並行迷入空室有谷直北徑涉六駁為所

傷賊

噬嗑 戴喜抱子與利為友天之所命不憂危殆荀伯勞苦西來

王母

賁 織縷未就針折不復女工多能亂我政事

剝 行露之訟真女不行君子無食使道雍塞

復 弄張烏號殼射天狼鐘鼓不鳴將軍振攘趙國雄勇闔死

榮陽

大畜 延頸望酒不入我口商人勞苦利得無有夏臺姜里難為

復喜

頤 冠帶南遊與喜相期繳於嘉國拜位逢時

大過 東西觸垣不利出門魚藏深水無以樂賓爵級推頽光威

元妻

卷之二

二二



咸衰

坎 兩母千子轉息無已五乳百雛駢駸駸

離 重黎祖後司馬太史陽氏之災離宮悲苦

咸 內執柔德止訟以默宗邑賴福禍災不作

恒 采唐沫鄉邀期桑中失信不會憂慮約帶一作牛驥同槽郭氏以土國破

為墟君奔走逃

遯 官成立政衣就缺袂恭謙為衛終無禍尤

大壯 麒麟鳳凰子孫盛昌少齊在門利以合婚貴人大歡

晉 亂危之國不可涉域機機發發身頓僵覆

明夷 千雀萬鳩與鵠為仇威勢不敵雖衆無益為雁鳥所擊苗事

皆失

家人 衆神集聚相與議語南國雷亂百姓愁苦興師征討更立

賢具主

睽 頽淵問蹇以禮自閑君子所居禍災不存

蹇 三桓子孫世秉國權爵勢上卿富於周公

解 鶴鳴九臯處子失時載土販鹽難為功力

損 方軸圓輪車行不前組囊以錐失其事便還師振旅兵革

休止行句疑

益 魚擾水濁祭亂我國駕龍出遊東之樂邑天賜我祿與生

為福

夬 白虎黑狼伏伺山陽遮遏牛羊病我商人

姤 履危不安踈顛我頽傷腫為癢

萃 三人輦車東入旁家主母貪叨盜我資財亡失犁牛

升 三鶴南飛俱就澹池鰕鮓饒有利得過倍

要



困鷹栖茂樹候雀往來一擊獲兩伏不枝梧

井堯舜欽明禹稷股肱伊尹往來進履登堂顯德之徒可以

輔王

革 枯旱三年草萊不生梁盛空乏無以供靈

鼎 口方圓舌為知樞門解釋鈎帶商旅以歡

震 息池水溢高陸為海江河橫流魚鱉成市千里無墻鴛鳳

游行

艮 烹魚失刀駕車馬亡錫刀不入魴鯉腥臊

漸 戎狄蹲踞無禮貪叨非吾族類君子攸去

歸 妹渡河踰水狐濡其尾不為禍憂捕魚遇解利得無幾

豐 河出小魚不宜勞煩苛政善民君受其患

旅 偃武修文兵革休安清人逍遙未歸空閑

巽 九疑鬱阻濕不中鸞鳥易去君子不安

兌 搏狸逢虎患厭不起遂至懼國與福笑語君子樂喜

渙 狗生龍馬公勞嫗苦家無筐苜折悔為吝

節 嬰孩求乳慈母婦子黃麕悅喜得其甘餌

中孚 有兩赤鷁從五隼噪操矢無咎趣釋爾財扶伏聽命不敢

動搖

小過 伊尹智士去桀耕野執順以強天祐無咎

既濟 逐鹿山西利入我門陰陽和調國無災殃長子東遊須其

三仇衍文

未濟 龍興之德周武成福長女宜家與君相德長股遠行狸且

善藏

大畜之第二十六

大畜

易本二

二二二



大畜朝鮮之地姬伯所保宜人宜家業處子孫求事大喜  
乾 金柱鐵關膠固衛災君子居之安無憂疑

坤 轉禍為福喜來入屋春城夏國可以飲食保全家室

屯 水暴橫行浮屋壞墻決決溢溢市師驚惶居止不殆與母  
相保

蒙 虎豹能巖遊戲山隅得其所欲君子無憂旅人失利市空  
無人

需 躬禮履仁尚德止訟宗邑已安三伯無患

訟 江淮易服玄黃朱飭靈公夏徵哀禍無極高位崩顛失其  
寵室

師 不虞之預患至無門奄忽暴卒痛傷我心  
比 三塗五岳去危入室凶禍不作桀盜堯服失其寵福貴人

有疾

小畜配合相迎利之四鄉皆以為期明星煌煌欣喜奠澤所言  
得償

履 三手六身莫適所開更伏搖動動失事便箕子佯狂國乃  
不昌

泰 虎卧山隅鹿過後胸弓矢設張猶為功曹伏不敢起遂全  
其軀得我美草

否 麟鳳執獲英雄失職自衛及魯畏昧不起福祿訖已  
同人變子作殃伯氏誅傷州犁奔楚失其寵光

大有黃帝出遊駕龍乘馬東至太山南過齊魯王良御右文武  
何咎不利市西

謙 齊魯爭言戰於龍門溝怨致禍三世不安

吝

易本二

二二八



豫 道禮和德仁不相賊君子往之樂有其

隨 嫗妬公姥毀益亂類使我家憤利不得遂

蠱 一巢九子同公共母柔順利貞君子不殆福祿所在

臨 崔嵬北岳天神貴客温仁正直主布恩德閔哀不已蒙受

大福

觀 三蛆逐蠅陷隋文帝灌滂泔殪與母長訣

噬嗑 東山西陵高峻難升滅夷掘壘使道不通商旅無功復反

其邦

賁 常德自如不逢禍殃福祿自來

剝 范子妙材戮辱傷膚後相秦國封為應侯

復 狼虎結謀相聚為傳同齒牛羊道絕不通病我商人

無 不宜杜公與我爭訟媒伯無禮自令塞壅

頤 上天樓臺登拜受福喜慶久來

大過 三羊上山東至平康黃龍服箱南至魯陽完其珮囊執紼

車中行人有慶

坎 天地閉塞仁智隱伏商旅不行利深難得

離 延陵適魯觀樂太史車麟白顛知秦與起卒兼其國一統

為主

咸 囊駁甲兵婦放馬牛徑路開通國無凶憂下有枵墻難

恒 牛驢同堂郭氏以亡國破為墟君奔走趨

遯 大尾小腰重不可搖棟撓攘壞臣為君憂湯火之言消不

為患使我復安

大壯 太乙置酒樂正起舞萬福攸同可以安處保我齟齬有暗

空無解不



晉 飲酒醉醜跳起爭鬪伯傷叔僵東家治喪  
明夷陵險難登澗中多石車馳轄擊重載傷軸擔負善蹟跌  
右足

家人爭訟不已更相咨詢張李弱口被髮比走心下有耳順從

下以兵天

睽 心志無良傷破妄行觸墻舐壁不見戶房先王閉關商旅

委弃

蹇 鷓鴣鴟鴞治成御災緩德安家周公勤勞

解 清人高子文屯外野逍遙不歸思我慈母

損 兩虎爭鬪股創無處不成仇讎行解却去

益 天女推床不成文章南箕無舌飯多沙糠雷衆盜名雄雞

折頸

夬 太子扶蘇出於遠郊佞幸成邪改命生憂慈母之恩無路

致之

姤 寒暑相推一明一微赫赫宗周榮光滅衰

萃 雞狗相望仁道篤行不吠昏明各安其鄉周鼎和餌國富

民有八極蒙佑

升 窓牖戶房通利明光賢智輔聖仁施大行家給人足海內

殷昌

困 雨雪三月鳥獸飢乏旅人失宜利不可得機言解患以療

難危身復安

井 白鶴銜珠夜食為明膏潤優渥國歲年豐中子來同見惡

不凶

革 從豕牽羊與虎相逢雖驚不凶



鼎 見雁啞啞以水為宅雌雄相和心志娛樂得其所欲

震 逐狐平原水竭我前深不可涉莫無所得

艮 窟室蓬戶寒賤所處千里望烟渙散四方形体滅亡下入

深淵終不見君

漸 桀紂之主悖不堪輔貪榮為人必定其咎聚斂積實野在

都邑未來 室

歸妹 倉庫盈億年歲有息商人留連雖久有得陰多陽少因地

就力

豐 太山不斂釣鯉失綸魚不可得利去我比一作三人同福以興周國

息安

旅 童女無媒不利動搖安其室主慮待母動憂

巽 載風雲毋遊觀東海鼓翼千里見吾愛子

兌 鴻盜我襦逃於山隅不見武迹使伯心憂

艮 夜視失明不利遠鄉閉門塞隔福為我母

三狗逐兔于東門路利以進取商人有得

中孚 武王不豫周公禱謝載璧秉珪安寧如故

小過 同載共車中道別去爵級不進君子下輿

既濟 六雁俱飛遊戲稻池大飲多食飽無患一下有舉事不遂商旅作憤

未濟 符左契右相與合齒乾以坤利季生六子長大成就風言

如母不利為咎

頤之第二十七

頤 家給人足頌聲並作四夷賓服干戈卷閣

乾 思初道古哀吟無輔陽明不制上失其所

坤 江河淮海天之奧府衆利所聚可以饒有樂我君子



屯 三隹俱飛避暑就涼適與矰遇為繳所傷

蒙 秋南春北隨時休息處和履中安無憂凶

需 履危無患逃脫獨全不利出門傷我左膝疾病不食鬼哭

其室

訟 東家凶婦怨其公姥毀盤破盆弃其飯食使吾困貧

師 泥滓汗辱弃捐溝瀆衆所笑哭終不顯錄

比 且往暮還吝與相存身無患凶

小畜 六翮長翼夜過射國羿氏無得

履 蜂虿之國難以止息嘉媚之士為王所食從去其室

泰 被狐乘龍為王道東過時不返使我憂聾

否 霜梅零墜心思情憤懷憂少愧亂我龜氣

同人 長女三嫁進退多態牝狐作妖夜行離憂

大有 車轉鞲鞲驅東西西盛及也致高也朋類

謙 乘船涉濟載水逢火賴得無患蒙我全生

豫 德至之君政仁且溫伊呂股肱國富民安

隨 生不逢時困且多憂無有冬夏心常悲愁

蠱 南歷玉山東入生門登福上堂飲萬歲漿

臨 大斧斫木讒人敗國東閔二五禍及三子晉人亂危懷公

出走

觀 一室百孫公悅媪歡相與笑言家樂以安

噬嗑 隨陽轉行不失其常君安於鄉國無咎殃

賁 羣虎入邑求索肉食大人禦守君不失國

剝 弱足別跟不利出門商賈無贏折崩為患湯火之憂轉解

喜來



復 夏臺幽戶文王厄處鬼侯飲食岐人悅喜  
無妄棟橈攘壞廊屋大敗宮闕空廓如冬枯樹  
大畜讒以內安不利其國室家大懼幽囚重閉疾病多求罪亂

憤憤

大過六龍俱怒戰於陂下倉黃不勝旅人艱苦

次 天下雷行塵起不明市空無羊疾人憂凶三木不喜脫婦

家邦

離 一指食肉口無所得染其鼎鼎舌說於腹

咸 喜笑不常失其福慶口辨言疥行者畏忌

恒 毛生毫背國樂民富侯王有德

遯 獷豕童牛害傷不來三光同堂生我福仁

大壯江河淮濟多盜為害邑被其癩年困無歲

晉 兩虎爭鬪股瘡無處不成仇離行解却去

明夷五嶽四瀆潤洽為德行不失理民賴為德

家人載車乘馬南逢君子與我嘉福離憂無咎

睽 缺囊破篋空無不潔不媚姑公弃於糞場

蹇 殺行桃園見虎東還螳螂之敵使我無患

解 箕仁入室政哀弊極抱其羸蓋奔於他國因禍受福

損 庭燎夜明追古傷今陽弱不制陰雄坐戾

益 懸恒素飡食非其任失輿剝廬休坐徒居

夬 嘉聞福喜緇帛盛織日就為得

姤 執綏登車驟乘東遊說齊解燕霸國以安

萃 水深無桴蹇難何游商伯失利庶人愁憂

升 三鳥鴛央相隨俱行南到饒澤食魚與梁君子長樂見無



不傷

困遠視目眇臨深苦眩不離越都旅人留難

井終風東西渙散四分終日至暮不見子權一本此下皆大過之

革言無要約不成券契殷叔季姬公孫爭之疆入委禽不悅

我心

鼎牛馬龍崩不知聲味遠賢賤仁自令亂憤疾病無患生福

在門

震從商近游食飽無憂囹圄之困中子見囚

艮据斗運樞順天無憂與樂並房

漸姬奭姜望為武守邦藩屏既齊周室以疆子孫億昌

歸妹亡羊東澤循隄直北子思其母隨返其所

豐張鳥開口舌直距齒然諾不行政亂無緒

旅載船逢火憂不為禍家在山東入門見公

巽絕國異路心不相慕蛇子兩角使我相惡

兌鼻項移徙居不安坐枯竹後生失其寵榮

渙火息無光千歲不長殷湯遠明

節文王四乳仁孝篤厚子蓄干男無有折天

中孚能罷豺狼在山陰陽伺鹿取麀道伏畏難

小過彫葉被霜獨蔽不傷駕入喜門與福為婚

既濟黃離白日照我四國元首昭明民賴為福一下有漢有游女人不可得

未濟順風直北與歡相得歲孰年豐邑無寇賊一下有長女行嫁子孫不昌係

疾為

大過之第二十八

大過典冊法書藏在蘭臺雖遭亂清獨不遇災

大過



乾 日在北陸陰蔽陽日萬物空虛不見長育  
坤 鬼泣哭社悲商無復甲子昧爽殷人絕祀  
屯 涉塗履危不利有為安坐垂堂乃無災殃門戶自開君憂

不昌

蒙 陽失其紀枯木復起秋葉冬實君不得失

需 太樹之十百條共母當夏六月枝葉盛茂鸞鳳以庇召伯  
避暑翩翩偃仰各得其所

訟 秉鉞執殳桃戰先驅不役元帥敗破為憂

師 啓室開門巡狩釋寃夏臺麥里湯文悅喜

比 衰滅無幾淵溺在頃吠狗夜驚家乃不寧

小畜西鄰小女未有所許志如委衣不出房戶心無所處傳母  
何咎

復 狗吠夜驚獲鬼頭頸危者弗傾患者不成

泰 當年少寡獨與孤處雞鳴犬吠無敢誰者我生不辰獨嬰  
寒苦

否 無道之君鬼谷其門命與下國絕不得食

同人乘龍南遊夜過糟立脫厄曾憂下有增絕魯傷非不得美

大有馬蹇車傷長舌破家東閔二五晉君出走

謙 瓜花瓠實百女同室醯苦不熟未有妃合

豫 晨風之翰大舉就温昧我我邑羿無所得

隨 浼浼促促塗泥至轂雨濼不進虎鬻不得

蠱 膠車駕東與雨相逢放革懈惰頓禹作輪獨坐憂不為禍作福

臨 六家作權公室剖分陰制其陽唐叔失明

觀 去室離家來奔大都火息復明姬伯以昌商人失功



噬羔牧羊稻園聞虎喧譁危懼喘息終無禍患

賁 嬰兒求乳母婦其子黃麕悅喜乃得甘飽

剝 廓落失業跨禍變福利無所得

復 出入無時憂患為災行人失牛利去不來若馬遺駒勿與

又居

無妄風怒漂木女感生疾陽失其時陰孽為賊

大畜車馬疾傷不利越鄉幽人無貧去晦就明

頤 三奇六耦各有所主周南召南聖人所在德義流行民悅

以喜

坎 坐爭立訟紛紛詢詢成禍亂災及家公

離 凶惡為殘使我不安從之南國以除心疾

咸 愛我嬰女牽引不得冀幸高貴反曰下賤

恒 宜行賈市所取必倍載喜抱子與利為市

遯 坐席未温憂來扣門踰墻北走兵交我後脫於虎口

大壯 赤帝懸車廢職不朝叔帶之災君子記廬

晉 子畏於匡困困陳蔡明德不危竟自免害

明夷 逐雁南飛馬疾牛罷不見漁池失利憂危牢戶之冤脫免

無患

家人 推輦上山高仰重難終日至暮不見阜巔

睽 憂不為患福在堂門使君偃安

蹇 春桃生華季女宜家受福多年男為邦君

解 高山之巔去地億千雖有兵寇足以自守

損 過時歷月役夫憔悴處子嘆室思我伯叔

三 太微復明說升傳巖乃稱高宗不能疾在頭顱



旁多小星三五在東早夜晨行勞苦無功  
始東鄉煩煩相與笑言子般鞭革圍人作患  
萃鼻移在頭枯葦復生下朽上榮家乃不寧其舍不成  
升蝦蟆群聚從天請雨雲雷集聚應時輒與得其所願  
困大步上車南到喜家送我貂裘與福載來  
井賊仁傷德天怒不福斬刈宗社失其土宇一本此下皆順之  
革從謂見虎雖危無殆終已不處  
鼎復行去德卒蒙祐福與堯侑食君子有息  
震利在北陸寒苦難得真危之患福為道門商叔生存  
良四蹇六盲足痛難行終日至暮不離其鄰  
漸臺駘昧子明知地理障澤宣德封居河涘  
歸妹畜水待時以備火災柱車絆馬郊行出旅可以無咎

豐 歲暮花落君哀於德榮寵殞墜陰弃其室

旅 夏敗蔡悲千里為市黃髮滄海鬻得無有

巽 仲春巡狩東見群后昭德允明不失其所

兌 冽潔縹緲締構難解嫫母街嫁媒不得坐自為身禍

渙 鳥噲夜中以戒災凶重門擊柝備憂外客

節 朝霽暮露織我衣濡道無行牛

中孚 抱璞懷玉與桀栢觴訖坐不申道無良人

小過 兩心相悅共其莠藹夙夜在公不離房中得君子意蕭為

蘆

既濟 載餽茹田破鉏失餐苗稼不闢獨飢於年

未濟 甘露醴泉太平機閔仁德咸應歲樂民安

坎之第二十九



坎二有鳥黃足婦呼季玉從我睢陽可避刀兵與福俱行有命  
久長

乾 太王爲父季歷孝友文武聖明仁德興起孔張四國載福  
綏厚

坤 猿墮高木不矮手足保我全生還歸其室

屯 重耳恭敏遇讒出處北奔戎狄經涉齊楚以秦代懷誅殺  
子圍身爲伯主

蒙 倚鋒據戟傷我胸臆耗折不息

需 狗冠雞步君失其所出門抵山行者息難水灌我園高陸  
爲泉

訟 衆鳥所翔中有大恠丈身長頸爲我驚憂  
師 虎行相逐未有休息戰於平陸爲夷所覆

比 禹鑿龍門通利水泉同注滄海民得安然

小畜 堯舜仁德養賢致福衆英積聚國無寇賊

履 陸居少泉山高無雲車行千里塗不污輪渴爲我怨  
泰 朝不見光夜不見明瞑抵空床季女奔亡愴然心傷

否 齊魯未國仁聖輔德造禮雅言定公以安  
同人 東帛玄圭君以布德伊呂百里應聘輔國

大有 棘鈎我襦爲絆所拘靈巫拜祝禍不成災東山之邑中有  
肥土可以饒飽

謙 門燒屋燔爲下所殘西行出戶順其道理虎卧不起牛羊  
歡喜

豫 墻高蔽目崑崙翳日遠行無明不見權叔  
隨 天地際會不見內外祖辭遺送與世長訣



盡 深水難涉泥塗至轂牛罷不進浮陷為疾  
臨 羊驚虎狼獼猴群走無益於僵為齒所傷  
觀 履蛇躡虺與鬼相視驚恐失氣如騎虎尾  
噬嗑重驚人傾兩輪脫去行者不止人生憂懼結締復解夜明  
為喜

賁 南敗北賈與忽為市利得百倍

剝 延陵適魯觀樂太史車鄰白顛知秦興起卒兼其國一統  
為主

復 出門逢患與福為患反相擊刺傷我手端

無妄 犴鹿群走自然燕喜公子好遊他人多有

大畜 恭寬信敏復福不殆從其邦域與喜相得

頤 欲飛無翼鼎重折足失其福利危羞為賊下有上妻之家當其家幸喜

除我憂解  
吾思愁

大過 府藏之富王以振貸捕魚河海布網多得

離 陰生楚鹿鼠舞鬼哭靈龜陸處釜甑 生仁智盤桓國亂  
無歡

咸 風塵坎坷不見南北行迷失利復反其室

恒 金革白黃宜利戎市嫁娶有息商人悅喜

遯 瓠瓜之德宜繫采食君子失輿官正懷憂

大壯 乘船渡濟載水逢火賴得免患我有所持

晉 道險多石傷車折軸與市為仇不利客商

明夷 託寄之徒不利請求結衿無言乃有悔患

家人 三羊爭妻相逐奔馳終日不食精氣竭罷

退惡防患日之中息解釋倒懸



震 兩足四翼飛入家國寧我伯姊與母相得

解 寒露所凌漸致堅冰草木瘡瘍花落葉亡

損 后稷農功富利我國南畝治理一室百子

益 設網張羅捕魚園池網罟自決雖得復失危許之患受其

快權

夫 路與縣休侯伯恣驕上失其威周室相微

姤 逐走追亡相及扶桑復見其鄉使我悔喪

萃 復祿綏厚載受福祉衰微復起繼世長久疾病

起告

升 鰥寡孤獨祿命苦薄入宮無妻武子哀悲

困 山沒丘浮陸為水魚燕雀無巢民無室廬

井 冠帶南遊與福喜期徼游嘉國拜位逢時

革 東行亡羊失其羝牂少女無夫獨坐空廬

鼎 採巢捕魚耕田捕鱸費日無功右手虛空

震 東行飲酒與喜相抱福為吾家利來從母水澤之徒望邑

而處

艮 妄怒失精自令畏悔怡怡之懼君子無咎

漸 白雲如帶徃徃來處飛風送迎大電將下擊我禾稼僵死

不起

歸妹南至之日陽消不息北風烈寒萬物藏伏

豐 火中仲夏鴻雁解舍体重難移未能高舉君子顯名不失

其譽

旅 北行出門履蹈顛踉足據塗污我襦袴

巽 輕車駸祖疾風暴起促亂器飛揚 明神降佑道無



害寇

允 酒為歡伯除憂來樂福喜入門與君相索使我有德  
渙 三足孤鳥虛鳴督郵司過罰惡自賊其家毀敗為憂  
節 三河俱合水怒踴躍懷我王屋民飢於食  
中孚南行棗園惡虎畏班執火銷鋒使我無患  
小過求鹿過山與利為怨閭襲不言誰知其懼  
既濟行旅困蹙失明守宿因固之憂啓誓出游  
未濟据棘履杞跌刺為憂夫婦不和亂我良家

離之第三十

離 時乘六龍為帝使東達命宣旨無所不通  
乾 執轡四驪王以為師陰陽之明載受東齊  
坤 春秋禱祀解禍除憂君子無咎

屯

坐朝乘軒据國子民虞叔受命和合六親

蒙

門戶下堂與福相迎祿于公室曾孫以昌

需

高木腐巢漏濕難居不去甘棠使我無憂

訟

三女為姦俱行高園倍室夜行與伯笑言不認主母為設

歡酒究尤誰禱

師

漏卮盛酒無以養老春代負黍稷年歲實有獲道坦坦平安

無咎

比

松柏枝葉常茂不落君子權寧日富來樂

小

女哭婦不諧為燕攻齊良弓不張騎劫憂亡

履

出令不勝反為大災強不克弱君受其憂

泰

奔走相錯敗亂諸緒民不得作

否

載壁秉珪請命于河周公克敏冲人瘳愈



同人素重為馬不任重負王侯出征憂危為咎  
大有大樹之子百條共母比之火中稜葉盛茂

謙 壅遏隄防水不得行火盛陽光陰蜺伏藏走歸其鄉

豫 五岳四瀆合潤為德行不失理民賴恩福

隨 駕駿南遊虎驚我牛陰不奉陽其光滅蹴訾之謙謙奉義

解患

蠱 早霜晚雪傷害禾麥損功弃力飢無所食

臨 岐周海隅獨樂無憂可以避難全身保財

觀 陰蔽其陽日暗不明君憂其國求駢得黃駒犗從行

噬嗑 金城鐵廓上下全力政平民歡寇不敢賊

賁 平公有疾迎醫秦國和不能治晉人疑惑

剝 載堯扶禹從喬彭祖西遇王母道路夷易無敢難者

復 羔羊皮革君子朝服輔政天德以合萬國

無妄 振鐘鼓樂將軍受福安帖之家虎狼為憂履危不殆師行

何咎

大畜 嫡庶不明肇亂生殃陳失其邦

頤 鳥驚孤鴻亂國不寧上弱下強為陰所行

大過 被綉夜行不見文章安坐于堂乃無咎殃長于帥師得其

正常

坎 六月采芑征伐無道張仲方叔克勝飲酒

咸 昧暮乘車東至伯家踰梁越河濟脫無他

恒 東風解凍和氣兆升年歲豐登

遯 二狸搏鼠遮遏前後死於園域不得脫走

大壯 綏德孔明履祿久長貴且有光疾病憂傷

卷之二



晉 三虎搏狼力不相當如摧腐枯 擊破亡  
明夷使伯采桑狼不肯行與叔爭訟更相毀傷  
家人抱空握虛鴉鷲我雛利去不來

睽 李花再實鴻卯降集仁哲以興隆國不賊

蹇 東山臯落勇悍不服金瑛玩好衣為身賊絲麻不作

解 飛蚊污身為邪所率青蠅分白真孝放逐

損 南山大木文身六目制命出文東里宣敷尊主安居鄭國

無患

益 泉起崑崙西出玉門流為九河無有憂患

夬 命短不長中年天傷思及哭堂哀其子亡

姤 君臣不和上下失宜宗子哀歌

萃 苛政日作蟻食華葉割下啖上民被其賊秋無所得

升 南行載鎧登履九魁車傷牛罷日暮嗟咨

困 春東夏南隨陽有功與利相逢

井 頭尾顛倒不知緒處君失其國

革 言無要約不成券契殷叔季姬公孫爭之強入委命不悅

子南

鼎 缺破不成胎卵不生不見其形

震 見蛇交悟惜蛇畏惡心乃無悔

艮 河水孔穴壞敗我室水深無涯魚鱉傾倒

漸 五嶽四瀆地得以安高而不危驚慎避患

歸妹南至之日陽消不息北風冽寒萬物藏伏

豐 五利四福俱田高邑黍稷盛茂多獲高稻

旅 公孫駕車載遊東齊延陵子產遺我紵衣疾病哀悲



巽 蛟虬當道民困愁苦望羊置群長子在門  
兌 金玉滿堂忠置乘危三老凍餓鬼奪我室  
必得 魚河海網舉

渙 日入明匿陽晶隱伏小人心勞求事不得  
節 頻逢招飲失利後福不如子息舊器故杵申請必得乃無  
大悔

中孚南有嘉魚駕黃取遊魴鱣詡詡利來無憂  
小過黃裳建元文德在身祿佑洋溢封為齊君  
既濟口不從心欲東反西與意乖戾動舉失便  
未濟虎狼之鄉日爭凶訟叨爾為長不能定証

焦氏易林卷上

上經考異

今考定同人之自屯至不十卦不同閣本今附于此

屯 蝥虫為賊害我嘉穀中留空虛家无所食  
蒙 跛躄難步道不及舍宿澤被亡其襦露袴

需 大夫祈父无地不涉為吾相土莫如韓樂可以居止長安  
富有

訟 少孤无父長失慈母悻悻然莫與為耦

師 側弁醉客長舌作凶披髮夜行迷亂相誤亡失居處  
北 馬驚車破玉墜深津身絕鬼去離其室廬首難无虞

小畜東行述職征討不服侵齊伐陳銜壁為臣大得意還  
履 百足俱行相輔為強三聖書異事王室寵光

泰 根本不固華落葉去更為孤嫗



否 牧羊稻園蒼虎喧 畏懼怵惕終无禍焉



